

QVÆSTIO MEDICA.

QVODLIBETARIIS DISPUTATIONIBVS

MANE DISCVTIENDA IN SCHOLIS MEDICORVM,
Die Mercurij, V. Ianuarij.

M. BARTHOLOM. BARALIS.
DOCTORE MEDICO, MODERATORE.

An Pesti sola Manifesta?



ESTIS nullâ morbi specie definita, quosuis affectus contra naturam suo sinu comprehendit, modò vulgares sint & perniciosi: his duobus eius natura declaratur, nullis aliis signis inuestiganda; iugulat etiam sine febre celeriter, sævitque non minùs quàm febris pestilens (quæ sine peste esse potest), quauis anni tempestate, potissimum tamen Veræ & Autumno, nulli parcens nec ætati, nec sexui, nec parti corporis quam labe suâ non inficiat, in eâ nil occultum, nil diuinum, ærem si exceperis. Horrendum illud monstrum non solum integras ciuitates & regiones, sed regna plurima interdum depopulatur, tantò immaniùs quantò eius natura ignoratur à pluribus: dictu mirum cum nihil sit hac pestiferâ lue conspicuum magis, nil tamen in quo explicando doctorum virorum ingenia minùs conueniant.

TRVPITER cæcutiunt qui *περὶ τοῦ λαιμοῦ* secus quàm Hippocrates & Galenus philosophantur; quid absurdius quàm pestem à cælo deducere, cuius vis benefica sublunaria quæque moderatur ac fouet? non eam igniti accendunt cometa, imò ne portendunt quidem; hallucinantur qui à veneno per ærem disseminato, vel ab illo ridiculo fomite non ita pridem ab Italis confictò eius ortum eliciunt; frustra sunt qui arcana & occulta eius incunabula credunt, cum ab vna solâque putredine initium ducat, quæ vltimum ab aëre tantum, in primis iisque manifestis qualitatibus

vehementer immutato, aliàs verò à prauis alimentis generatur ac sobolescit, omnes humores & spiritus, cuncta viuentia, elementa etiam omnia, vno excepto igne, non ab simili lege afficiens.

EIVSCEMODI putredo, quam & morbosam & violentam nonnulli vocant, longo distat intervallo ab eà, quæ simplici rerum generationi aduersa & opposita definitur à Philosopho; Corruptio caloris proprii & naturalis in vnoquoque humido ab alienâ caliditate quæ ambientis est, excitata. Hæc mutatio est *καὶ δὴν*, illa *κατὰ φύσιν*; in hac fit dissolutio mixti in elementa quæ *κατὰ φύσιν* in eò continebantur; in illa datur recessus à propria natura seu temperamento, à quo qui magis recedit humor, maiorem putredinem contrahere dicitur. Hinc pestis & pestilentes febres tunc crudelissimè seuiunt, cum ab ea insigni proferuntur putredine, quæ aliud est nihil, quàm summus humorum recessus à suo temperamento, partim per qualitatum primarum alterationem, partim per alieni corporis admixtionem inductus. Ab hac mente qui recedunt, incertam de febribus putridis doctrinam magno mortalium dispendio introducunt.

PROINDE ut morborum aliorum, sic pestis curatio lege contrariorum promouenda: apage qui neglectà hæc naturæ lege, brutis etiam perspectâ, medicæ artis *πρωτοί, επιδουράτης, ὑγίαινας* commaculant, & auxilia vitæ & salutis humanæ in venenâ transmutant. Arcana procul hinc absint & magisteria Paracelsica, vulgarisque antidoti medicorum abusu in vsus medicos comparatæ, præcipuè verò metalla, opiata, pulueres ex gemmis, vniouibus, lapide Bezaardico, cornu monocerotis ad ludendam plebeculam ficto, quos nonnulli quoque iusculis nullo fructu inspergere non erubescunt. Vitanda hæc calidiora omnia, Theriaca, Mithridatium, antidotus de Ovo, confectio Alkermes, aquæ Imperiales & Basilicæ, quæ cum de putredine nil demant, febrilem æstum insigniter adaugent; superstitiosè & nimis imprudenter agunt qui præcauendæ aut curandæ pestis gratiâ arsenicum, mercurium, aliæ amuleta è collo gestantia præscribunt.

OPTIMA & tuta medendi ratio, si putredinis, in quâ pestis *καὶ μόνη* consistit, incrementum reprimamus, tum exquisitâ victus lege (quæ aëris & alimentorum moderationem præsertim contineat) tum præsidij vtramque plethoram & cacochymiam emendantibus, quæ non minus pestis quàm cæterorum præter naturam affectuum causæ sunt *αεριογόμυα*; ad hæc obstructions & infarctus, sine quibus putredo vix generatur in viuentibus, referandi & expediendi crebrâ sanguinis missione citra lipothymiam, infernè, supernè, *κατ' ἴσιν*, prout natura in hanc vel illam partem abscessum molitur, vsurpatis interea refrigerantibus omnibus, acidis præcipuè quibus vis inest aperiendi, & frequentibus enematis, non neglectis ad erumpentes bubones attrahentibus; quid si lipothymia ægros fatigat? vino recreandi vel *δακρυόω*, vel generoso aquâ multâ diluto, quo

3 *Questio Medica Lutetiæ Parisiorum agitata, 1628.*

non præstantius habetur cardiacum; denique mitificatâ morbi materiâ,
caloris solius natiui beneficio, catharsis erit instituenda.

Ergo Pesti sola Manifesta.

Proponebat Lutetiæ PETRVS GVENAVLT,
Genabensis, Anno R. S. H. M. DC. XXVIII.

DOMINI DOCTORES DISPVTVRI.

M. Petrus Girardet.

M. Nicolau Regnier.

M. Simon Basin.

M. Antonius Robin.

M. Ioannes de Bourges.

M. Nicolau Pietre, Decanus

M. Guillelmus Belet. P. R.

M. Valentinus Hierosme.

M. Iacobus Consinet.

PARISIIS,

Prostant Exemplaria apud NICOLAVM BOISSET, Typographum,
in Platea Malbertina, ad insigne D. Stephani. 1647.

*cette these est la 708.^e Du Tome LV in folio
des theses de la faculté.*